

**Isiginnaartitsisarfeqarneq pillugu Inatsisartut
inatsisaata allanngortinnera pillugu Inatsisartut
inatsisaat
(Kalaallit Nunatta Isiginnaartitsisarfiani siulersuisut
ilaasortassaannik inassuteqarsinnaatitaanerup
allanngortinneqarnera aamma atorfinitsitaanermut
tunngasut pillugit aalajangersakkamik ilanngussineq)**

§ 1

Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq imaattunik allannguuteqarpoq:

1. § 4, imm. 2, ima oqaasertalerneqassaaq:

” Imm. 2. Naalakkersuisut inassuteqartoqareerneratigut ilaasortassanik imatut toqqaassapput:

- 1) Ilaasortaqaq ataaseq SILA-mit, Kalaallit Nunaanni Isiginnaagassiortut Peqatigiiffiannit, inassuteqartoqareerneratigut toqqaarneqassaaq,
- 2) ilaasortaqaq ataaseq kommunit peqatigiillutik inassuteqareernerisigut, taamaattoq tak. imm. 4,
- 3) ilaasortaqaq ataaseq Kalaallit Atuakkiortut inassuteqareernerisigut,
- 4) ilaasortaqaq ataaseq Sulisitsisut inassuteqareernerisigut, aamma
- 5) ilaasortaqaq ataaseq Nunatta Isiginnaartitsisarfiani sulisunit inassuteqartoqareerneratigut.”

2. § 4, imm. 4, ima oqaasertaqassaaq:

” Imm. 4. Kommunit ataatsimut inassutigineqartut pillugit isumaqatigiissinnaanngippata kommunimit inassutigineqartut akornanneersumik Naalakkersuisut toqqaassapput.”

3. § 4-mi imm. 4-p kingorna immikkoortut nutaatut ilanngunneqassapput:

” Imm. 5. Kattuffiit imm. 2, nr. 1, 3 aamma 4-mi eqqaaneqartut arlaat taaguumminik allannguissagalarpat inassuteqarneq taassumangga isumagineqassaaq.

Imm. 6. Kattuffiit imm. 2, nr. 1, 3 aamma 4-mi eqqaaneqartut atorunnaarsinneqassagalarpata Naalakkersuisut ilaasortamik toqqaassapput kattuffiup atorunnaarsinneqartup suliassa qarfigisimasaanik ilisimannittumik.”

Imm. 5-9 tamatuma kingorna imm. 7-11-nngussapput.

4. § 7-ip kingorna una ilanngunneqassaaq:

” **§ 7 a.** Nunatta Isiginnaartitsisarfia atorfinitsitsinermut tunngatillugu atugassarititaasut allallu pissutsit eqqarsaatigalugit, atorfeqarnermi soraarsitsinermilu pissutsinut tunngaviusumik isumaqatigiissummi Kalaallit Nunaata Isiginnaartitsisarfiata Naalakkersuisullu akornanni isumaqatigiissutaasumi isumaqatigiissutigineqartut iluanni sulissalluni pisussaaffeqarpoq, tak. imm. 2.

Imm. 2. Tunngaviusumik isumaqatigiissut minnerpaamik atorfinitseriaatsit, tunngaviusumik akissarsianut qaffasissutsit, tapit, akissarsiat iluarsiihfigisarnarat, pensionisianut ilanngussisarneq aamma atorfinitsitsinermi nalinginnaasumik atugassarititat pillugit aalajangersakkanik imaqqassaaq.”

§ 2

Inatsisartut Inatsisaat manna 1. august 2019 atuutilissaaq.

Namminersorlutik Oqartussat, ulloq 12. juni 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

